

**Nd.**

## **871. Breytingartillögur**

við frv. til laga um opinbera aðstoð við byggingar íbúðarhúsa í kaupstöðum og kauptúnum.

Frá Skúla Guðmundssyni og Páli Zóphóniassyni.

1. Við 31. gr. Við greinina bætist ný málsgrein, þannig:

Það er skilyrði fyrir þeim lánum og framlögum ríkisins, sem um getur í 1. málsgrein, að ríkisstjórnin hafi samþykkt uppdrætti að þeim byggingum, er þar um ræðir, og þær ákvarðanir, sem gerðar verða um byggingu íbúðarhúsanna.

2. Á eftir 39. gr. komi ný grein, svo hljóðandi:

Ríkisstjórninni er heimilt að greiða úr ríkissjóði laun byggingarfróðra manna, þó eigi fleiri en fjögurra, sem ráðnir verða til þess að hafa yfirumsjón með byggingum, sem um ræðir í I. og II. kafla laga þessara, og leiðbeina félagsmönnum í byggingarsfélögum og byggingarsamvinnusfélögum, er vinna sjálfir að meira eða minna leyti að byggingu íbúða fyrir sig. Þeir menn, sem ríkisstjórnin ræður til þessara eftirlits- og leiðbeiningarstarfa, öðlast rélt til að veita forstöðu byggingarframkvæmdum hvar sem er á landinu, og er þeim, er njóta aðstoðar þeirra, eigi skyld að ráða húsmiðameistara til þess að veita bygginguum forstöðu, þrátt fyrir ákvæði í byggingarsamþykktum.